

¡Somos una montonera na familia!

A kiribiltxo y a les amigues de nueso,

¡Hola!

Soi Peru, tengo cuatro años y los dinosaurios présteme pola vida.

Vivo nuna casa perguapa con muncha xente: cola mio ma Oihana, cola mio perra Bixi y con Xanti y Maialen.

Dende la mio casa veo'l colexu. El mio maestru llámase Aratz y a vegaes salúdolu dende la ventana'l mio quartu.

Na escuela pásolo perbién, lo que más me presta ye cambiar cromos repes.

Estos díes ando daqué esmolecíu. Nel cole pidiéronmos una semeya de tola familia y nun sé si tenemos dalguna.

Díxi-y a mio madre que necesito una semeya familiar. Anduvimos revolviendo per tolos caxones pero nun topamos nenguna na qu'apaezamos tola familia.

Eso atristayóme enforma.

Entós, a mio ma ocurrióse-y una idega.

- Peru, ¿qué te paez si entamamos una xinta pa xuntar a tola familia?

Y yo cunteté-y gayoleru:

- ¡Síííí! ¡Asina fadremos la foto pa llevar a la escuela!
- ---

Somos una montonera y querémonos a esgaya. Toi perfeliz porque axuntámonos tola familia nel parque.

¡Encántame la mio semeya! Güei nel colexu desplicaré-yos cómo ye la mio familia y qué coses faigo cola mio tia, col mio tiu, cola mio güela...

Esta ye lone y vien a buscame al cole.

Dalgunes veces, anímola a pedaliar rápido pero otras veces dame la medrana y entós pído-y que vaiga más sele.

Préstanos tirar pal monte, ellí vemos animales.

Omar, Khadija y Mamadou viven cerca la mio casa y tamién son parte de la mio familia. Cásique tolos domingos xuntámos pa xintar.

Mamadou díxerame que na barriga de Khadija hai una personina y que cuando ñazca van llamala Faraxan. Significa “feliz” en somalí.

¡La familia va medrar!

Esta ye la mio güela Tere. Vive n’otru pueblu y suel venir en tren a visitamos. Gústanos merendar tortiella de pataques y uves.

Kris vive nun monte mui altu. Mio ma y yo escribimos-y cartes y dalgunes veces Kris mándanos regalos dende ellí.

Con Bernat y con Fátima tengo'l vezu de tocar un tambor que se llama "Djembé". Préstame mucho'l so soníu pa baillar.

A vegaes preparen cous-cous, ¡y a min encántame!

Estes son Amaiur y Eider. Cuando mio ma va a trabayar, elles cuídenmos a Mamadou y a min. Dacuando llévennos al ríu ¡a vegaes hai coríos!

Cuando atapez, Xanti y Maialen cuénteme un cuentu pa que duerma peragustu. Los llobos danme miéu y cuando nun pueo dormir pído-yos que queden con mio.

Salí percontentu de la escuela dempués d'esplicar cómo ye la mio familia. ¡Mio ma vieno a buscame y dímonos un abrazón enforma grande!

(testu de la contraportada)

Nesti cuentu, Peru relátamos como ye la so familia y les aventures que vive nel so día a día con ella. Al traviés d'esta hestoria vas conocer una rede d'apoyu mutuu na que conviven cultures estremaes, relixones y collores de la piel.

¡Tamién hai un llugar pa ti! ¿Apetezte venir?